

- 107 síðartalda innlausnarskylda allra þeirra viðskiptabóka, sem í umferð eru og lög-
6. júní giltar hafa verið af stjórn hins fyrirtalda, og sem með samþykkt þessarar reglu-
gerðar verður niður lagður.

X. Hvað úr gildi fellur.

32. gr.

Með staðfestingu á reglugerð þessari fellur úr gildi samþykkt fyrir Sparisjóð Vestur-Ísafjarðarsýslu, dags. 14. marz 1896, og síðari breytingar á þeirri samþykkt.

Reglugerð þessi staðfestist hér með.

Viðskiptamálaráðuneytið, 6. júní 1940.

F. h. r.

Jón Guðmundsson.

Torfi Jóhannsson.

- 108 **Staðfesting ráðuneytis Íslands á skipulagsskrá fyrir Skógræktarsjóð Búnaðar-**
6. júní félags Sveinsstaðahrepps, útgefin á venjulegan hátt af dóms- og kirkjumálaráðherra
6. júní 1940.

Skipulagsskráin er þannig:

SKIPULAGSSKRÁ

fyrir Skógræktarsjóð Búnaðarfélags Sveinsstaðahrepps.

1. gr.

Stofnfé sjóðsins er 500 krónur, sem Búnaðarfélag Sveinsstaðahrepps lagði fram til minningar um 75 ára afmæli sitt hinn 16. okt. 1938, og kom til geymslu og ávöxtunar á Sparisjóði Húnavatnssýslu 11. nóv. 1939.

Tekjur sjóðsins verða: Vextir frá þeim degi eða vaxtahluti af höfuðstólnum, gjafir, áheiti eða annað, sem sjóðnum kann að hlotnast.

2. gr.

Markmið sjóðsins er:

- a. að glæða áhuga Sveinsstaðahreppsbúa fyrir skógrækt;
- b. að hrinda af stað, svo fljótt sem auðið verður, gróðursetning trjáa, í sem stærstum lundi innan Sveinsstaðahrepps;
- c. að efla og viðhalda trjágróðri innan sveitarinnar þegar hann er byrjaður. Aldrei má nota sjóðinn til annars en þess, sem tekið er fram í a—c-lið þessarar greinar.

Sjóðinn skal ávallt geyma í Sparisjóði Húnavatnssýslu.

3. gr.

Stjórn Búnaðarfélags Sveinsstaðahrepps er jafnframt stjórn sjóðsins. Hún skal halda sérstaka gerðabók fyrir störf sín viðkomandi sjóðnum, og rita í hana skipulagsskrána og fundarályktanir sínar. Hún semur reglur um styrk af sjóðnum, telji hún þess þörf. Ennfremur hefir hún á hendi fjárreiður og reikningshald fyrir sjóðinn og skiptir með sér verkum.

4. gr.

108

Reikningsár sjóðsins er almanaksárið. Skal stjórnin hafa lokið hinum árlega reikningi fyrir miðjan febrúar. Skal reikningurinn endurskoðaður af sömu endurskoðendum og reikningar Búnaðarfélags Sveinsstaðahrepps og borinn upp til samþykktar á aðalfundum þess.

6. júní

5. gr.

Með þeim undantekningum, sem síðar er fram tekið í þessari grein, skal ávallt bæta við höfuðstólinn að minnsta kosti $\frac{1}{10}$ hinna árlegu vaxta hans og öllu öðru, er sjóðnum kann að áskotnast. Vextirnir skulu allir lagðir við höfuðstólinn, þar til hann er orðinn alls kr. 1500.00. Þá sjóðurinn hefir náð nefndri upphæð, kr. 1500.00, skal $\frac{1}{4}$ ársvaxtanna leggjast við höfuðstólinn, en $\frac{3}{4}$ hlutar þeirra varið samkv. 2. gr. skipulagsskrárinnar, þar til höfuðstóllinn er orðinn kr. 5000.00, þá má verja $\frac{1}{10}$ hlutum vaxtanna samkvæmt 2. gr. skipulagsskrárinnar.

Nú ber svo við, gð stofnaður verði nýr trjálundur innan Sveinsstaðahrepps, eða er nýstofnaður, þá heimilast stjórninni að verja af höfuðstól sjóðsins til styrktar þeim lundum, þeirri upphæð, sem hún telur rétt vera, til þess að ná höfuðmarki hans, sem tilgreint er í 2. gr. þessarar skipulagsskrár. Þó má aldrei skerða höfuðstólinn meira en það, að eftir verði að minnsta kosti 1000 krónur.

6. gr.

Breytingar á þessari skipulagsskrá getur Búnaðarfélag Sveinsstaðahrepps gert, ef breytingarnar eru samþykktar á tveimur aðalfundum félagsins í röð, og þær ná samþykki viðkomandi stjórnarvalda Íslands.

7. gr.

Stjórn sjóðsins skal leita konunglegrar staðfestingar á þessari skipulagsskrá.

Skipulagsskrá þessi samþykkt óbreytt á aðalfundi Búnaðarfélags Sveinsstaðahrepps, í skólahúsi hreppsins, 12. apríl 1940.

Jón Kr. Jónsson.

Magnús B. Jónsson.

Jón S. Pálmason.

ARÐSKRÁ

109

fyrir Fiskræktar- og veiðifélag Úlfarsár.

10. júní

Korpúlfsstaðir og Lambhagi	45	einingar
Blikastaðir	14	—
Grafarholt	2,5	—
Úlfarsá	8	—
Reynisvatn	14	—
Fellsmúli	1,5	—
Úlfarsfell	5	—
Óskot	3,5	—
Miðdalur	1	—
Pormóðsdalur	4,5	—
Ægir, sundfél.	1	—
	100	einingar